

Setlha sa go faela sa batho ka noši le ditrasete sa 2023

Tshwane, 23 June 2023 – Go ya ka tebo ya leano la Ditirelo tša Motšhelo tša Afrika Borwa (SARS) la go nolofoaletša balefela motšhelo go fihlelela boitlamo bja bona bja semolao, batho ka noši (balefela motšhelo ba sebakanyana le bao e sego ba sebakanyana) gammogo le ditrasete ba ka thoma go faela dipušetšo tša bona tša motšhelo wa letseno ka Labohlano la 7 Julae 2023 **ka morago ga 8 pm**.

Khomišinare wa SARS Mrn. Edward Kieswetter o boletše gore, “Thomelo ya maleba ya dipušetšo tša motšhelo wa letseno la mong ka nako e bohlokwa bakeng sa setlha sa go faela sa go se sokodiše. Lenyaga, balefela motšhelo ba swanetše **go laola merero ya bona ya motšhelo** go kgonthiša gore ba lemoga boitlamo bja bona gape ba dula ba obamela.”

“SARS e tšwelapele go fana ka theknolotši ya phethagalo, katološo ya tirišo ya data, ka kaonafatšo ya thuto ya metšhene, tshepetšo ya dikhomphutha le bohlale bja ekišo. Gape re tšwelapele go gatelapele magatong a mangwe a mmalwa a inthanete le ditirelo tša boiterelo ka mong tša balefela motšhelo ka dipeeletšo go batho ba rena. Dikaonafatšo tše tša kgontšhagalo le tirelo di lebišitšwe go tlišetša gore ga go na hlokego ya ketelo ya tša motšhelo le go ema methaladi ye metelele diofising tša ka SARS,” Mrn. Kieswetter o boletše bjalo.

Ka lebaka la phethagalo ya dikaonafatšo tša ditirelo:

AUTO-ASSESSMENT

1. Go tloga ka Labohlano la 30 June 2023, SARS e tla bolela thwii le balefela motšhelo bao ba kgethilwego ka SMS e ba tsebiša ka dipušetšo tša bona tša othomethiki.
2. Balefela motšhelo ba ka fihlelela tekolo ya othomethiki ka dikanale dife goba dife tša SARS, tše bjale ka SARS MobiApp goba SARS eFiling, go lekola le go tlišetša phethagalo le nnetefatšo ya tshedimošo yeo e e lego go dipušetšo tša othomethiki.
3. Molefela motšhelo yo a kgethilwego bakeng sa tekolo ya othomethiki, a ka kgetha go dumela poelo ya tekolo ntle le tshwayotshwayo, goba ge eba go na le diphetogo, a ka kgetha go swayaswaya taodišo ya gagwe, gomme a e romela gape le ditokumente tša thekgo tšeo di hlokegago.
 - **Balefela motšhelo bao ba dumelago poelo ya tekolo** ntle le ditshwayotshwayo dife goba dife, gape bao ba khwalifayago bakeng sa tefelamorago, ba tla e amogela thwii ka diakhaonteng tša bona tša panka mo diiring tše 72 morago ga tsebišo;
 - **Balefela motšhelo bao ba romelago taodišo yeo e swayaswailwego** ba tla elwa go ya ka motheo wa thomelogape ya bona. Kelo ya go boeletšwa e ka romelwa bjale ka ge go laeditšwe mo tlase. Ge eba go na le tšhelete yeo e kolotwago go SARS, e swanetše go lefelwa go Akhaonte ya SARS ya Panka, eFiling goba ka MobiApp go ya ka letšatšikgwedi leo le beetšwego.
4. Ge eba molefela motšhelo ga se a kgotsofatšwe ke tekolo ya othomethiki, ga a swanela go dira selo go iša pele gomme tshepetšo e a fedišwa ka se sebaka.
5. SARS e rata go ipiletša go balefela motšhelo bao ba kgethilwego bakeng sa tekolo ya othomethiki go se fele pelo **gape ba se ke ba etela makala a rena** goba **letšetša Contact Centre** ya rena go botšiša ka tšwelelo SARS e tšwelapele go bolela le balefela motšhelo bao.

GO FAELA DITAODIŠO

Balefela motšhelo ka moka bao ba romelago taodišo ya go swayaswaiwa, goba faele, goba go faela taodišo ka tsela yeo e tlwaelegilego, ba ka romela le ditokumente dife goba dife tša thekgo ka platefomo ya SARS eFiling. Balefela motšhelo bao ba welago ka go sehlopha sa tekolo ya othomethiki. SARS e tla tšweletša dipušetšo gomme ya romela tekolo ya go boeletšwa, yeo e ka fetšago e na le boitlamo bja go fapana bja tšhelete, mohlala, phokotšo ya tefelamorago, tefelamorago ya go oketšega goba tefelo yeo e swanetšego go lefelwa SARS. Balefela motšhelo ba bangwe ba tla amogela tekolo.

Mo mabakeng ao balefela motšhelo ba itemogelago mathata afe goba afe a go faela dipušetšo tša bona ka e-Filing goba SARS Mobi-App, ba swanetše go beeletša kopano ya go etela lekala.

Tlhaloso e nngwe gape e a fiwa ka mabaka a mmalwa:

Dingongorego le boipiletšo: Ge eba ga ga no na tumelano le kelo yeo e boeleditšwego, molefela motšhelo a ka tlhoma ngongorego, ka tshepetšo ya ngongorego yeo e tlwaelegilego ya SARS.

Balefela motšhelo bao e sego ba sebakanyanaš: Balefela motšhelšo bao e sego ba sebakanyana bao ba sa kago ba hwetša tekolo ya othomethiki gape bao ba kgopelwago go fela pušetšo ba ka dira bjalo go tloga ka la 7 Julae 2023 **ka morago ga 8 pm go fihlela ka la 23 Oktobore 2023.**

Ge eba tshedimošo ka moka yeo e lego ka go pušetšo ke ya lenyaga gomme e nnetefetše, transekšene e ka se tšeye nako ya go feta metsotswana ye 10. SARS e amogela maitekelo ka moka a balefela motšhelo a go bea merero ya bona ya metšhelo maamong a obamelo. SARS e tla tšwelapele go direla balefela motšhelo bao bat la bego ba faela dipušetšo tša ngwagola tšeo di šaletšego morago gomme e kgopela gore ba se fele pelo gape ba be le kwešišo.

Balefela motšhelo ba sebakanyana gammogo le dithomelo tša Ditrasete ba ka thoma go faela dipušetšo go tloga ka la 7 Julae 2023 **ka morago ga 8 pm go fihlela ka la 23 Janaware 2024.**

Balefela motšhelo, bao ba sa kgethwago bakeng sa tekolo ya othomethiki ba kgopelwa go emela imeile le SMS gomme ba se etele Makala a SARS mo bekeng ya mathomo pele ga le 7 Julae 2023.

Mrn. Kieswetter o boletše gore tsebagatšo ya tekolo ya othomethiki, e bile enngwe ya dikaonafatšo tša go faela tšeo di hlatselago boitlamo bja SARS bja go aga setheo sa sebjalebja, ka bohlale bja tshephagalo, potego le go ratwa ke bohle. Go tšweletša tirelo e bjalo e bohlokwa, SARS e thuša go aga pušo ya phethagalo ya tšwetšopele ya leago le ekonomi ya naga ya rena le batho ba yona – Morero wa Tirelo ya Godimo wa SARS.

Se bohlokwa, tirišo ya theknolotši le data di kaonafaditše bokgoni bja SARS bja go diragape le go kaonafatša ditlabela tša yona tša go kgesa mabaka a go se obamele. Balefela motšhelo ga ba swanela fetiša ditshenyagelo tša bona goba go se laodiše letseno la bona ka moka go hwetša tefela morago yeo e sa swanelago ka ge se se ka dira gore molefela motšhelo a ikhwetše a le bothateng bja bosenyi goba go bonwa molato.

SARS e tla thatafaletša le go lefiša dikotlo tša godimo go balefela motšhelo bao lekago ka bomo go kleima ditshenyagelo tša go se dumelelwe goba go se laodiše ka botlalo letseno la bona, ka go ba lefiša dikotlo tše šoro. Ka tlaleletšo, go tlo ba le dikotlo tša taologo bao ba sa obamelego gape ba sa latelego matšatši a makgaola kgang a Setlha sa go Faela sa lenyaga.

Lenyaga SARS e tlo dumelela balefela motšhelo, bao ba kago ba dumela dipelo tša tekolo ya othomethiki, go faela le go swayaswaya pušetšo go fihlela ka letšatši la makgaolakgang leo le tlwaelegilego la setlha sa go faela, 23 Oktobore 2023. Ye ke phethogo go tšwa matšatšing a 40 ao a dumeletšwego ngwagola.

SARS e bile le dikamano le mekgatlo ya go fapana, go akaretša Ditheo tša Taolo yeo e Lemogilwego (RCBs) go lokiša mekgwatšhomo. Se se dirwa ka temogo ya gore SARS e šoma le gape ka tirišano go kgonthiša gore balefela motšhelo ba kgona go fihlelela boitlamo bja bona bja semolao ka thelelo.

SARS e rata go leboga bengmešomo le maloko a boraro ao a fanago ka data bao ba fihleletšego letšatši la makgaolakgang la la thomelo ya bona la 31 Mei 2023. Kgato ye e tla kgontšha bengmešomo go dira ditransekšene gabonolo le SARS. Bengmešomo le maloko a boraro bao ba sa obamelego ba dira gore go dira ditransekšene le SARS di thatafe bakeng sa bašomi ba bona gomme ba tla šalwa morago bakeng sa go tlola molao.

PEAKANYO YA KOPANO YA KETELO YA LEKALA

Balefela motšhelo bao ba ratago go etela lekala la SARS ba swanetše go beeletša kopano ya ketelo. Ba ka dira seo ka go:

- Romela SMS go 47277 (iSARS) ka lentšu le: *Booking (Space) ID number/Passport number*.
- Letšetša *134*7277# mahala ka diselefounu tša bona le go kgetha *eBooking*.
- Go ya go wepsaete ya SASRS le go kgotla aekhone ya *"Book an Appointment"*. Ka go tlatša fomo ya onlaene.

Go hwetša tshedimošo enngwe, ka kgopelo ikgakaganye le SARSMedia@sars.gov.za

#FilingSeason2023 #YourTaxMatters – www.sars.gov.za

#YourTaxMatters

BOFELO